

ლიცენზირებული საშუალო



საშუალოს მუნიციპალიტეტის ბაზეთი „საშუალოს მოამბის“ დამატება
№5, 31 აპრილი, ორშაბათი, 2020 წელი

„ქართულ-ოსური კონფლიქტის“ ქრონიკები (ნაწყვეტი წიგნიდან „ნაჭდეურები“)



შუალო ცაქლაძე

კონფლიქტები, სამწუხაროდ, დროში განვლილი პროცესია, რომელიც ახასიათებდა უძველეს საზოგადოებას და ახასიათებს უახლეს ისტორიასაც. იგი, თავდაპირველად, ფარულად არსებობს, შემდეგ ღია სტადიაში გადადის, მწვავედება. კონფლიქტის არსის ჩანვლომა ძალზე რთულია, ამიტომ უნდა ვეძიოთ არა მისი საბაზი, არამედ ძირეული მიზეზები.

ქართველ და ოს ხალხს შორის არ არსებობდა შიდა კონფლიქტის გამომწვევი არავითარი მიზეზი: არც ეკონომიკური, სოციალური, ეთნიკური, რელიგიური და არც სხვა სახის. მაშ, რამ გამოიწვია დაპირისპირება ქართველებსა და ოსებს შორის? ამ ხალხებს ხომ ნათესაობა და ნათლი-მირონობა

აკავშირებდა... ამ, და სხვა დანარჩენ, კითხვებს ნათელს მოჰყენს ამონარიდი გაზეთიდან „მარჯი“, რომელიც 1996 წელს გამოქვეყნდა:

„1988-89 წლებში სამაჩაბლოში სიტუაცია დაიძაბა. „ადამონ ნიხასის“ წევრებმა, მისმა აქტივისტებმა მოაწყვეს რამდენიმე სეპარატისტული მიტინგი ცხინვალში... მათთან დიალოგი უშედეგო იყო, იგრძნობოდა, რომ სეპარატისტულ მოძრაობას აფინანსებდა იმპერიის ცენტრი.“

ვიდრე იმის თხრობას დავიწყებდეთ, თუ როგორ პირობებში გვიხდებოდა ცხოვრება ჩვენ, სამაჩაბლოელ ქართველებს მე-20 საუკუნის 80-იანი წლების ბოლოს, მანამდე გავიხსენოთ, თუ რას წერდა ვახუშტი ბატონიშვილი ცხინვალის (სამაჩაბლოს) შესახებ:

„ლიახვის კიდეზე არს მცირე ქალაქი ცხინვალი, სადაც ცხოვრობენ მართლმადიდებელი ქართველი, სომეხი და ურიანი... ადგილი მშვენიერ, ბალვან-ვენახოვანი, წყალ-შემრგო, კეთილშაეროვანი.“

ამ მშვენიერ ტერიტორიაზე, როგორც მას ვახუშტი ბატონიშვილი უწოდებს, მე-19 საუკუნის დასასრულამდე (1886წ.) არცერთი ოსი არ ცხოვრობდა. ავტონომიური ოლქის შექმნის შემდეგ (რუსული იმპერიის „პირმო!!!“), ყველაფერი რადიკალურად შეიცვალა.

სამაჩაბლოს რა სჭირს თქვენი დასაცინი?!

ზნაურიდან ჩემს სოფელში – ავნივში ავტობუსით ვბრუნდებოდი. საკმაოდ ბევრი მგზავრი იყო ავტობუსში. ჩემი ყურადღება თავხედურმა სიცილმა მიიქცია. მივყურადე, მაგრამ ვერაფერი გავიგე. ავტობუსის უკანა სკამებზე მსხდომი ყმაწვილები (ეთნიკური ოსები) ჩაბყირებამდე იცინოდნენ, ოსურად საუბრობდნენ ხმამაღლა. ხშირად იმეორებდნენ სიტყვას „სამაჩაბლო“. გაუთავებელი თავხედობა რომ არ შეწყვიტეს, უკმაყოფილო იერით მათკენ დავიწყე ცქერა. ვიფიქრე, იქნებ მიხვდნენ და შეწყვიტონ უტაქტო საქციელი-მეთქი. ისინი კვლავ სიცილს განაგრძობდნენ. ბოლოს, საკმაოდ მოზომილი ტონით მივმართე ახალგაზრდებს:

– ყმაწვილებო, რს ხდება, სამაჩაბლოს რა სჭირს თქვენი დასაცინი?!

პასუხი კი დამიბრუნეს, მაგრამ ვერ გავიგე, რადგან თავიანთ ენაზე ისურვეს ჩემთვის ეპასუხათ. თუმცა, დარწმუნებული ვიყავი, რომ ქართული შესანიშნავად იცოდნენ.

ჩემთან ერთად მგზავრობდა ჩემი მეზობელი, ეთნიკურად ოსი ეროვნების ქალი, ქართველი ქმარ-შვილის პატრონი. ...ჩემს თანამგზავრ ქალს სახეზე დაძაბულობას ვამჩნევ... მოვედით გაჩერებამდე, გადმოვედით ავტობუსიდან და გზა ფეხით გავაგრძელეთ.

– როგორ შემეშინდა, რომ იცოდე, – მეუბნება მეზობელი. – ავტობუსში მსხდომ ბიჭებს თვალში არ მოუვიდათ შენი „ზნაოკი“ და შენი მისამართით თქვეს: ის ქალი

ფანჯრიდან უნდა ისროლოს კაცმაო. შენ ვერაფერს იგებდი მათი საუბრიდან, მე კი მაგრად შემეშინდა.

ეს სამკერდე ნიშანი, ჩემი მეზობელი რომ გულისხმობდა, საქართველოს სამფეროვანი დროშის გამოსახულება იყო და ჩემთვის მისი ტარება დიდი პატივი გახლდათ... ამ სამკერდით გადავსულვარ ცხინვალში, მის ახლო-მახლო სოფლებში. ეს კი, რბილად რომ ვთქვათ, სარისკო საქმე იყო მაშინ. რაც შეეხება ტერმინს „სამაჩაბლო“, სწორედ ასე მოიხსენიებდა ქართული პრესა ყოფილ სამხრეთ ოსეთის ავტონომიურ ოლქს, რაც ოსებში მძაფრ რეაქციას იწვევდა. სწორედ ამით ავხსენი იმ ახალგაზრდების მაშინდელი საქციელი.

ჩემმა თანამგზავრმა ოსმა ქალბატონმა რჩევა მომცა: მაგ ნიშნით ჩვენი სოფლის იქით ნუ წახვალ, ახალგაზრდა ქალი ხარ, ქმარ-შვილის პატრონი, თავს ხიფათში ნუ ჩაიგდებ. მაგათ ჭკუა არ დაუშლით... ყველაფერზე წამსვლელნი არიანო.

ინციდენტი საქართველოს დამოუკიდებლობის დღეს

ავნივში ხმა გავარდა: ცხინვალში სტუდენტები ჩამოდიან საქართველოს სხვადასხვა კუთხიდან, მიტინგი უნდა ჩატარდეს საქართველოს დამოუკიდებლობის დღის აღსანიშნავად.

ჩვენი სოფლის ავტობუსით ცხინვალისკენ გავემგზავრეთ დაახლოებით – 20-25 ადამიანი. ძირითადად, ახალგაზრდები და სოფლის ინტელიგენცია.

მიგვეკონდა საქართველოს დროშები (მაშინ სამფეროვანი), ასევე, რამდენიმე პლაკატი. ერთ-ერთი პლაკატის შინაარსი ახლაც მახსოვს – „საქართველოს ძლიერებას გაუმარჯოს!“

ჩვენი სოფლიდან სულ რაღაც ერთ კილომეტრში, კერძოდ, სოფელ ნუნარში (ახლანდელი ხეთაგუროვი) წინ გადაგვედგინა კეტებითა და სასოფლო სამეურნეო დანიშნულების იარაღებით (მახსოვს, ერთს დიდი ძვალის ეჭირა ხელში!) შეიარაღებული ოსები. რამდენიმეს ეტყობოდა, რომ არაფხიზელ მდგომარეობაში იმყოფებოდა.

გადაგილობეს გზა და მოგვთხოვეს უკან დაბრუნება, წინააღმდეგ შემთხვევაში, ცოცხალი, ვერცერთი ვერ ჩავალწევდით ცხინვალამდე. მოთხოვნას თან მოაყოლეს ლანძღვა-გინება, უნდნურ, შეურაცხყოფელ სიტყვათა კორიანტელი.

ყველა ჩვენგანი ვცდილობდით, სიმშვიდე შეგვენარჩუნებინა. ვცდილობდით, აგვეხსნა მათთვის, რომ ჩვენ მათ საზიანოდ არ ვიქცეოდით. საქართველოს დამოუკიდებლობის აღნიშვნა საქართველოს მთავრობის მიერ იყო ნებადართული და, არც ეს პლაკატები არ წარმოადგენდა მათთვის საზიანოს, რომ ძლიერი და ერთიანი საქართველო მათთვისაც უკეთესი ცხოვრების საწინდარი იქნებოდა.

არაფერმა რომ არ გაჭრა, მაშინ ასეთი რამ მოვიფიქრეთ:

– დავრეკოთ ზნაურში, გავაგებინოთ რაიკომს შექმნილი სიტუაცია, ვთხოვოთ, გამოგზავნონ წარმომადგენლები და, მათი თანდასწრებით, როგორც აჯობებს, ისე მოვიქცეთ. – შევთავაზეთ მათ.

ეს აზრი, როგორც გაირკვა, ჭკუაში დაუჯდათ. მალე ზნაურიდან მოვიდა წარმომადგენელი, რა თქმა უნდა, ეთნიკურად ოსი. სიმართლე რომ ვთქვა, იმ პიროვნებამ (რაიკომიდან მოვლენილმა) არ დატოვა ცუდი შთაბეჭდილება...

ეტყობოდა, რომ აღმოთებული იყო შექმნილი სიტუაციით და მტკივნეულადაც განიცდიდა სინამდვილეს. სამწუხაროდ, იგივეს ვერ ვიტყვი ადგილობრივებზე, რომლებმაც ხელისუფლების წარმომადგენლის თანდასწრებითაც გააგრძელეს ჩვენი მისამართით შეურაცხყოფელი სიტყვები.

რაიკომიდან მოვლენილი პირი დიდხანს, დაჟინებით უხსნიდა მათ რაღაცას. შემდეგ ჩვენთან მოვიდა და გვირჩია:

– საქმე ძალზე რთულადაა... მოსალოდნელია ექსცესები, პროვოკაცია და შეიძლება, უფრო უარესიც... ვცდილობდი, ყველაფერი ამეხსნა მათთვის, მაგრამ... უკან დაბრუნებას გირჩევთ, ისევე თქვენს სასარგებლოდ, თქვენივე უსაფრთხოებიდან გამომდინარე.

რა უნდა გვექნა?! მით უფრო, რომ ავტობუსში რამდენიმე უფროსკლასელი მოსწავლეც იმყოფებოდა...

ნამოვედით გულდამძიმებულები, შეურაცხყოფილები და პატივყრილები.შენს ძირძველ ტერიტორიაზე გადაადგილებაც არ შეგიძლია!!!

ამ ინციდენტის (რბილად რომ ვთქვათ) გამო თბილისიდან მოავლინეს სპეციალური კომისია, რომელსაც დავალებული ჰქონდა მომხდარის საფუძვლიანი შესწავლა-გამოძიება. კომისიის თავმჯდომარედ ნეიტრალური ეროვნების (სომეხი) წარმომადგენელი შეარჩიეს და გამოგზავნეს ცენტრალური კომიტეტიდან.

კომისიის თავმჯდომარემ წერილობითი ჩვენებები ჩამოგვართვა ყველას, ვინც იმ დღეს ცხინვალის მიმართულებით ვაპირებდით გადაადგილებას და ინტელიგენციასა და ადგილობრივ მთავრობას ასეთი მითითება მისცა: ორივე სოფლის წარმომადგენლებს თავი მოგვეყარა ავანეში, ჩვენს სოფელში და ჩაგვეტარებინა სოფლის ყრილობა. ასეც მოხდა.

ყრილობას ესწრებოდნენ როგორც ქართველი, ასევე, ოსი ინტელიგენციის წარმომადგენლები, ცხინვალის უნივერსიტეტის ლექტორები.

რაც შეეხება წუნარელებს, „მთავარ“ პერსონაჟებს ამ ინციდენტისას, მხოლოდ ერთი თუ ორი კაცი გამოგზავნეს და არც იმათ გამოუჩენიათ თავი რაიმე ღირებულის თქმით.

ამ მიტინგს თბილისიდან ესწრებოდა ცენტრალური ხელისუფლების წარმომადგენელიც, იყვნენ რადიოსა და პრესის კორესპონდენტებიც. მე დამევალა მესაუბრა ქართველებისა და ოსების ნათესაური და კულტურული ურთიერთობის შესახებ. რა თქმა უნდა, მომხდარი ინციდენტის დაგმობის ფონზე უნდა მომხდარიყო ყოველივე...

ყრილობა ორ საათზე მეტ ხანს მიმდინარეობდა. იყო გამოსვლები, კამათი, მომხდარის დაგმობა, აღარ განმეორების დიდი სურვილი, ორივე მხრიდან...

თავყრილობა ადგილობრივი რადიოთი გადაიცა, გააშუქეს ადგილობრივმა გაზეთებმა („საკომლემურნეო ცხოვრება“ და „საბჭოთა ოსეთი“).

სტატია გამოაქვეყნა, აგრეთვე, გაზეთმა „კომუნისტმა“. რაც შეეხება ჩემს გამოსვლას ამ ყრილობაზე, შევეცადე, ობიექტური ვყოფილიყავი. ვუსურვე ჩემს თავსაც და სხვებსაც, მსგავსი არაფერი განმეორებულყო ამ ორ ერს შორის, რადგან მსოფლიოს ისტორიაში არ არის სხვა ხალხების ურთიერთობა, რომელთაც ასე ბევრი რამ, მათ შორის ნათესაური კავშირები ჰქონდეთ ერთმანეთთან. ქართველებს და ოსებს შორის ძველი დროიდან არსებობდა ეკონომიკური და პოლიტიკური ურთიერთობა, დინასტიური – სამეფო ოჯახური კავშირები, უამრავი შერეული ოჯახი. ქართველებსა და ოსებს ხომ ერთად გვიბრძოლია საერთო მტრის წინააღმდეგ...

ჩემი გამოსვლა მთლიანად იქნა ჩანერილი და ორი კვირის განმავლობაში გადაიციმოდა ადგილობრივი რადიოთი.

საქართველოს პირველი პრეზიდენტი – ზვიად გამსახურდია და სამაჩაბლო

„გარდაქმნის“ შემდგომი პერიოდი იყო. თბილისში ხშირად ტარდებოდა მიტინგები. რამდენჯერმე დავსწრებივარ ამ მიტინგებს და ზვიად გამსახურდიაც ახლოს მინახავს. იგი რამდენჯერმე იყო ჩვენს სოფელში – ავანეში ჩამოსული, თბილისში კი პირველად გავესაუბრე, მიტინგის დროს, სადაც მოგვიანებით მივედი.

ნაცნობი შევნიშნე და იქითკენ ავიღე გეზი. უცბად, მესმის ბატონი ზვიადის ხმა: სამაჩაბლოდან ვინ ჩამოვიდა ბოლო დროსო? ჩემზე მიუთითეს. ბატონი ზვიადი მომიახლოვდა, მომესალმა და მკითხა, რა ხდება სამაჩაბლოში? ვუთხარი, რომ მისი წამოსვლის შემდეგ ახალი და მნიშვნელოვანი არაფერი მომხდარა. მხოლოდ ის იყო, რომ ოსები ახალ წელს მოსკოვის დროით შეხვდნენ-მეთქი.

– ეგ მოსალოდნელიც იყო მათგან, – თქვა წყნარად და დინჯად, ნელი სვლით ხალხს შერია. მახსოვს, ღია ფერის ქურთუკი ეცვა. მაღალი, ჭალარა, სიმპათიური, გამორჩეული იერისა და ფერის მქონე, თავისი სახელის სრული განსახიერება იყო.

ავანეში ზვიად გამსახურდიას მიერ ჩატარებულ სახელდახელო მიტინგებს ქართველებიც ესწრებოდნენ და ოსებიც. ოსები – უფრო ცნობისმოყვარეობის დასაკმაყოფილებლად. ეტყობოდათ, რომ მისი სიტყვები გულზე დიდად არ ეხატებოდათ. ერთ-ერთმა, მისი მისამართით ჩაილაპარაკა: რა უნდა, რატომ მოვიდა, ყველაფერი უნდა აურ-დაურისოსო?!

– თავისი ქვეყნის ნებისმიერ რეგიონში როცა უნდა, მაშინ ჩავა და რაც სწორად მიაჩნია, იმას იტყვის-მეთქი, – ვუპასუხე.

ზვიად გამსახურდია უზომოდ შეყვარებული რომ იყო თავის ქვეყანაზე და ერზე, ამაში, ალბათ, ყველა დამეთანხმება. რაც შეეხება შეცდომებს, ყველა მოკვდავს შეიძლება მოუვიდეს, მითუმეტეს იმას, ვინც დიდ და რთულ საქმეს არის შეჭიდებული.

2008 წლის ომი – რუსეთის მიერ საქართველოს მეორედ ანექსიის მცდელობა

1991 წლიდან, იმ დროიდან, როცა კონფლიქტი ღია ფაზაში შევიდა და გაღრმავდა, საქართველოში 300 ათასამდე დევნილი იყო საკუთარ მიწა-წყალზე, რასაც 2008 წლის აგვისტოში ათობით ათასი დაემატა... რუსეთმა მეორედ მოინდომა საქართველოს ანექსია. რაც ყველაზე სამწუხარო და აღმამფოთებელია, რუსეთმა დაბოძა მშვიდობიანი მოსახლეობა, რომ არაფერი ვთქვათ ქალაქებზე, სოფლებზე და სხვა სტრატეგიული დანიშნულების ობიექტებზე. ეს ყველაფერი მხოლოდ იმიტომ დაგვატეხეს თავს, რომ ქართველების ნატვრისა და მისწრაფების ერთადერთი საგანი იყო, არის და იქნება პოლიტიკური დამოუკიდებლობა, თავისუფლება.

სამწუხარო სინამდვილეს წარმოადგენს ის ფაქტი, რომ კონფლიქტმა ორივე მხრიდან შეინარა უამრავი ადამიანის სიცოცხლე. რუსი აგრესორები კი, პირიქით, გვედავებიან. საბედნიეროდ, დღეს 21-ე საუკუნეა. მსოფლიო გამოფხიზლდა. სწორედ ამის შედეგია, რომ უმრავლეს სახელმწიფოთა მთავრობები მთელი სისასტიკით გამობნე რუსების მიერ განხორციელებულ ინტერვენციას საქართველოს წინააღმდეგ და არ აღიარებენ ოსეთისა და აფხაზეთის დამოუკიდებლობას, რადგან ერთიც და მეორეც ყოველთვის იყო საქართველოს ტერიტორიის განუყოფელი ნაწილი.

იყო დრო, როცა საზოგადოება კონფლიქტების გადასაჭრელად მხოლოდ

ძალადობას მიმართავდა. ახლა მნიშვნელოვანია იმის ცოდნა, თუ როგორ შეიძლება კონფლიქტის გადაჭრა ხალხის სასიკეთოდ, არა ძალისმიერი დაპირისპირებით, არამედ, მშვიდობიანი გზით. ეს გზა მოლაპარაკება, ურთიერთშეთანხმება და ორმხრივი, გონივრული დათმობებია (რა თქმა უნდა, არა ქვეყნის ინტერესების საწინააღმდეგოდ). ზოგადად, კომპრომისი დიპლომატიის მთავარი ძალაა. სახალხო დიპლომატია უნდა გახდეს ხელშემწყობი ფაქტორი სახელმწიფოთა შორის საერთაშორისო დონეზე მოლაპარაკებისას. სასურველია, მიღებულ გადაწყვეტილებას სამართლებრივი გარანტიების მტკიცე, სრული დაცვის პირობებიც თუ ექნება.

ქართველებსა და ოსებს ბევრჯერ უბრძოლიათ საერთო მტრის წინააღმდეგ, თუმცა, ოსებს არ უნდათ ამის აღიარება. ახლაც საერთო მტერი ჰყავთ და თუ ვინ? – ამას დიდი მიხედვრილობა არ უნდა. აფხაზეთისა და ოსეთის აღიარება რუსეთს საქართველოს დასაჩოქებლად სჭირდება. გამომდინარე თავისი აგრესიული ბუნებიდან, ნაკლებად სავარაუდოა, რუსეთს ოსების ან აფხაზეთის ბედ-ილბალი ადარდებდეს.

ოსი და ქართველი ერის ისტორია ინერგობდა და ახლაც უნდა დაინეროს, მაგრამ მხოლოდ ობიექტური ფაქტებისა და არგუმენტების გამოყენებით. არაობიექტურად დანერვილი ისტორიის სწავლება სკოლებში კვლავ ახალ კონფლიქტს გამოიწვევს.

ყალბი ისტორიის შედგენა და სწავლება დანაშაულის ტოლფასია. ამ დანაშაულზე წაყრუება კი უფრო დიდ დანაშაულად მიმაჩნია.

ძნელი წარმოსადგენი არ უნდა იყოს ორივე რეგიონის დევნილების სადღეისო მდგომარეობა... მოგვწყვიტეს იმას, რაც ასე გვიყვარდა. ახლა ჩვენს კერაზე გადამთიელი ბოგინობს! ღმერთმა ნუ მაცოცხლოს ჩვენი იქ დაბრუნების იმედის გარეშე!..

„ოკეანეში ჩაკარგული პატარა მდინარე“

საქართველოს ეროვნული ინტერესები, დამოუკიდებლობისა და სუვერენიტეტის უზრუნველყოფა ითვალისწინებს ტერიტორიული მთლიანობისა და სამართლებრივი ურთიერთობის აღდგენასა და გარანტიებს იმისას, რომ ორივე ერის წარმომადგენლები, როგორც ქართველები, ასევე, ოსებიც ღირსეულად იცხოვრებენ საერთო სამკვიდროში, ჩვენი ქვეყნის განუყოფელ ნაწილში – სამაჩაბლოში, შიდა ქართლში.

ქართველთა და ოსთა შორის საგანგებოდ ჩანერგილი შუღლის მოსაგვარებლად, რეგიონში მშვიდობის დასამყარებლად გასათვალისწინებელია ტერიტორიული, გეოგრაფიული, დემოგრაფიული, სოციალური და ეკონომიკური ფაქტორები. აგრეთვე, სამართლებრივი და, უპირველესად, კულტურული ურთიერთობები. საბედნიეროდ, ოსი ინტელიგენციის წიაღში არიან საღად მოაზროვნეებიც, რომლებიც ჩვენ შორის ჩატყეხილი ხიდის აღდგენას ცდილობენ და დიდი სურვილიც აქვთ, დაძლეულ იქნას უნდობლობისა და გაუცხოების ფაქტორი.

ამის მაგალითია ომამდე, (2008 წ. 8 აგვისტო) რამდენიმე წლით ადრე, სოფელ ავანეში განხორციელებული პროექტი, რომლის ავტორი ზაირა მარანელი გახლდათ. ქართულ სოფელში აღენიშნეთ ოსი ხალხის საამაყო შეილის კოსტა ხეთაგუროვის დაბადების ერთ-ერთი წლისთავი. ცხინვალიდან მოვიწვიეთ კოსტა ხეთაგუროვის ფონდის ხელმძღვანელი ქალბატონი ი. თადტაევა, რამდენიმე ეთნიკურად ოსი წარმომავლობის ქალბატონთან ერთად. ყველა მათგანი შესანიშნავად საუბრობდა ქართულად და, რაც მთავარია, ზედმიწევნით იცნობდა ქართულ კულტურას.

მასპინძლის როლში ვიყავით ქართველები. ყველას ჩვენი აზრი უნდა გამოგვეთქვა ზოგადად, შექმნილი მდგომარეობის შესახებ და ამის შემდეგ უნდა შევხებოდით უშუალო თემას: კოსტა ხეთაგუროვის ბიოგრაფია, შემოქმედება, ურთიერთობა ქართულ ინტელიგენციასთან.

განსაკუთრებით ვრცლად ვისაუბრეთ კინოფილმ „ფატიმას“ შესახებ, რომელიც კოსტა ხეთაგუროვის ნაწარმოების მიხედვით არის გადაღებული, სადაც ქართველი მსახიობების გარდა, ოსი მსახიობი თამარ კოკოვა მონაწილეობს, რომელმაც ტრაგიკული ბედის მქონე ქალის შესანიშნავი სახე შექმნა ფილმში.

კეთილი განწყობა საღამოს მეორე განყოფილების დროს კიდევ უფრო გაღრმავდა ქართულ-ოსური კერძებით დამშვენებულ სუფრასთან. ცხინვალიდან მოწვეული სტუმრები კარგი მოსაუბრეები აღმოჩნდნენ – კომუნიკაბელურები, კულტურის ქომაგნი და მცოდნე-შემფასებელნიც.

ჩვენც არ დაგვიკლია სითბო და ყურადღება მათთვის. ვცდილობდით, ჩვენი კულტურა წარმოგვეჩინა სათანადოდ და დაგვეფასებინა იმათი. მსუბუქად პოლიტიკასაც შევეხეთ...

სტუმრები იმაში ნამდვილად დაგვეთანხმნენ, რომ ოსი ერი თავის კულტურას, ადათ-წესებს, ჩვეულებებს ქართულ გარემოში უფრო შეინარჩუნებდა, ვიდრე რუსებთან ერთად...

„ქართველები და ოსები უფრო ვგავართ ერთმანეთს (თუნდაც, გარეგნობით), თუ რუსები და ოსები?“ – რა თქმა უნდა, აქაც არ ყოფილა ორი აზრი. საერთო მტრის წინააღმდეგ რომ გვიომია ერთიანი ძალით და ახლაც ასე უნდა იყოს ჩვენი ერთობა, ამაშიც დაგვეთანხმნენ.

„პატარა მდინარე ოკეანეში უფრო დაიკარგება, შთაინთქმება, ვიდრე დიდ მდინარეში“ – იყო მათი პასუხი.

ნეტავ, ყველა ოსი მათსავით ფიქრობდეს და აზროვნებდეს!

პოეზია



მარიამ ტცილაური

ამ ღამეს ვუძღვნი

ვზი ჩუმად,
დავდივარ ჩუმად,
ჩუმად ვიციანი...
და ვყვირი ჩუმად...
ჩუმად ვნერ...
ვრითმავ ანის და ჰოეს...
მავანს ვგონივარ
არაფრის მქონე.
ვნერ ჩუმად...
ჩუმად...
და არა ვყვირი...
ველი დროს, როცა
სიჩუმე ჩემი
ზეცას ჩამოხვეს
მრუმე ღრუბლების
იმ თალხ კაემანს...
ვზი ჩუმად, რადგან
მნამს სიბრძნის:
ქალი იჯდეს და
ბედს ელოდესო...
ვიციანი ჩუმად,
რადგანაც ვიცი,
ჩუმი სიცილი
ანართობს
სულს და გულს...
ვყვირი ჩუმად,
რადგან ხმა ჩემი
არავის ესმის...
ნაზ ყვავილებში
ვლილინებ ჩუმად,
ისე ჩუმად, რომ
ლილინს იწყებს
ლურჯი ღილილოც...
ვქვითინებ ჩუმად,
ძლიერ ჩუმად –
დედის ყურს არ მიწვდეს
ხმა ქვითინისა!..

ვიდრე ვედრების
გაგიქრა განცდა, –
ვედრე უფალს
კრძალვით და მალვით...
ღვარე ცრემლები,
ნუ დაიღლები,
თქემი წვიმების
რიცხვების ათვლით.
უხმო სიმშვიდით
აიღე ხელში,
დადგი კუთხეში
ცრემლების სათლი,
არ განერიდო ამოუბას,
არ გაიტეხო
სიცოცხლის ნავსი,
დარდს არ მიახლო,
არ დაითაღხო
ის ბედისწერა –
ბედკრულის მსგავსი!

მზე თავისი სხივებით,
მთვარე – მთვარის სონატა...
ოცნებები, ფიქრები
გამიტაცებს ცოტა ხანს...
მოგონებებს მოვუხმობ,
მრუმე დღეს რომ ანათებს...
ვხსნი ფიქრების სკივრიდან
გაუგზავნელ ბარათებს...
მზემ ღრუბლები დაფარა,
მთვარე მღერის "სონატას"...
ქარი ჰორიზონტს აფრქვევს
თავისსავე მონატანს.
ვხსნი შორეულ ფიქრთა სკივრს...
შემოდგომა იჩქარის...
ვუფრთხი გაცრეცილ სხივებს
და მონაბერს ცივ ქარის.
შემოდგომა შეცბა და
ზამთარს უხმო ადრიან...
ფეხშიშველა ფიქრები
შუკა-შარა დარბიან.
ილოშქრა და იჟანტა...
ითოვა და იწყაპა...
ო, რა გრძნობით მღეროდა
ცხვრების მწყემსი, ის პაპა.
გაუმხელელ ფიქრების
სკივრს დავხურავ ხელახლა –
სიხარულის, ტკივილის, –
კვლავ რომ კრძალვით მეახლა.

დილის ექსპრომტი

"რამ შემქმნა ადამიანად?" –
დღემ, ცეცხლოვანმა, მზიანმა
და ბნელმა ღამემ –
ინტიმით სავსემ,
მთვარე და ვარსკვლავიანმა...
დილის მთრთოლვარე
ცვარ-ნამმა,
სიომ, ქარ-ქარიშხლიანმა...
ზღვამ, ოკეანემ, მდინარემ,
ჩანჩქერებ-ტალღ-ქაფიანმა.
მთამ, მოფენილმა ნისლებით,
მბრწყინავმა,
თეთრთოვლიანმა...
უფალმა, სავსემ სიკეთით,
მართალმა და მაღლიანმა!..

ყოფა?!

რა ყოფაა? –
როცა ფიქრის გეშინია,
როცა ხედავ, რომ
მსოფლიო შეშლილია!..
ვეღარ არჩევ ცრუს და მართალს,
ჩარხი ნუთი-სოფელისა
გამუდმებით ქსოვს და ართავს...
სანამ თავქვე დაეშვები,
სულის ნაწილებსა კარგავ...
რადგან ჩარხი კაცთა მოდგმის
ისევ სიცრუესა ქარგავს!..

ცოდვამ დაგვძლია,
დამძიმდა მინა,
მივხვდით, არ ფასობს
სიცოცხლე გროშად,
შემოგვეხია
რწმენის სამოსი
და მომავალიც
ბინდუნდში მოჩანს.
მედროვე,
თავის დაუნდობლობით,
უჩუმრად იპყრობს
ქვეყნის სადავეს,
დადუმებული ბრძენი, ჭკვიანი,
შიშობს, სამყარო
მივა სადამდე?!
მინას, ნაფერებს,
წუთისოფლისას,
ახალი ელდა
დაეცა ჩრდილად,
ცხოვრება ახალს
იკერავს სამოსს,
ურემი მიდის
თავის გზით მშვიდად...

ადამიანო

გსურს, რომ გახვიდე
ბრბოს თამაშიდან,
აჩქარებულ დროს დაადო ვეტო,
ხელს უამრავი გამოგინოდებს,
მაგრამ ვინ გეტყვის,
ვის უნდა ენდო?!
შენმა ნამზომმა დაიწყო ათვლა,
ოცნების კოშკსაც გადააბიჯე,
გსურს, რომ სიკვდილი ჰგავდეს
მზის ჩასვლას
და სიცოცხლისკენ
სავალ ნაბიჯებს...

ცის კილობნიდან
გულსავსე მთვარემ
ჩამოირბინა
ღრუბელთა კიბე,
როცა ჩემს სარკმელს
მოაყურადა,
გულის გადახსნის
სურვილი ვიგრძენ...
მაგრამ ვაცადე,
იდეენებოდა
ირგვლივ ავსული
და მისი სხივით,
ნატერფალ ჩრდილით
თვალდავსილივით
სჭვრეტდა ნარსული...

აღუვსებელი სანყაულის
ბზარები მაკრთობს,
წუთისოფელი მეჩვენება
ზოგჯერ ცაცია,
ამაოებას დავარქმევდი
ცხოვრების საზომს,
სიცოცხლე ვისთვის
ტვირთია და
ვისთვის განძია!



ნუნუ ტცილაური

ვნატრობ

მომენატრა და შემოვებრუნე
ბავშვი, რომელიც ჩემგან
გარბოდა,
ვერ აიხდინა, დარჩა სურვილად –
ბაზალეთის ტბის ფსკერზე
ჩანვდომა.
ვნატრობ, თუმც, ვიცი, არ
დაბრუნდება
ჩემი ბავშვობის მოკლე ბილიკი,
სამოცდაცამეტ მკათათვეს
ვითვლი
და აღარ მათბობს ცხელი ივლისი.

კვირაცხოველი

შიგ ქართლის გულში,
ძირძველ მინაზე,
ჟამთა გათელილ ტაძრის ფუძეზე,
როცა ღრეობდა მგზავრი მავანი
და დუმდა უღვთოდ მოკლული
ღმერთი,
საკუთარ პეშვით და რწმენის
გეშით,
აალორძინეთ სავანე უფლის...
ლაღადებს ფუძე ქვის გრძნეულ
ზღაპრით,
ცად აზიდული შარავანდედით!
სურამს ორბები აფრინდებიან,
აიჭრებიან ზეცის თალებში
და ნაპარტახალ ქართლის მინაზე,
ღვთიურ მოძღვართა
ლოცვა-კურთხევით,
კვირაცხოვლობის დიდ
სამრეკლოში
აგუგუნდება რწმენის ზარები...
და უნაბისფერ სანთლის რიალში
გამთელდებიან სულის ბზარები.
ხუროთმოძღვარნო, თქვენ,
ხანძთელობით,
ღმერთთან მისასვლელ გზას
დაადექით
და ვინც დაღარეთ ნათლის
სვეტები,
ბჭენი რწმენისა რადგან ააგეთ,
საუკუნეთა უკვდავ ქმნილებით
მარადისობა დაგისაკუთრებთ!..

მწერლის მიხედვით

დიმიტრი ყიფიანი, მიხეილ ჯავახიშვილი, გალაკტიონ ტაბიძე და... „მწერლები!“



ქვიშხეთში, დ. ყიფიანის სახლის მოზრდილ ეზოში გასული საუკუნის პირველი ნახევრიდან წლების მანძილზე, (90-იან წლების ჩათვლით) მაისიდან სექტემბრის ბოლომდე, მწერალთა დასასვენებელ სახლად წოდებულ კოტეჯებში მწერლები ოჯახებთან ერთად ისვენებდნენ ხოლმე. ამ დასვენებაში მხარ-თეძოზე წოლას არ ვგულისხმობ! ეს იყო შემოქმედებითად ნაყოფიერი, ამასთან, დ. ყიფიანის მიმართ უზარმაზარი პატივისცემის ნიშნად, ეზოს გადასწვრივ პატარა, კოხტა საყდრის წინ პირჯვრის გადანერის ყოველდღიური რიტუალიც!

მწერლების გარდა, ქვიშხეთის სახლს ეტანებოდნენ ხელოვნებისა და მეცნიერების გამოჩენილი წარმომადგენლებიც... თუნდაც, ვერიკო ანჯაფარიძის სახელი რად ღირს! იგი განაპირა კოტეჯის ფანჯრიდან ნაღვლიანად გასცქეროდა ხოლმე საყდარს, რომელშიც მან და შალვა ამირეჯიბმა ჯვარი დაინერეს, თუმცა, საბჭოურ-პოლიტიკური „წესის“ შედეგად, შ. ამირეჯიბის გადასახლება მათი გზები სამუდამოდ გაყარა. ამ სახლში დამსვენებელი ყველა მწერალი თუ ხელოვნების გამოჩენილი მოღვაწე რომ ჩამოვთვალო, არც დრო მეყოფა, არც ფურცლები, მაგრამ ზოგიერთის სახელს მაინც გავიხსენებ:

დემნა შენგელაია, ნიკა აგიაშვილი, გრიგოლ აბაშიძე, ანა კალანდაძე, მედეა კახიძე, ნოდარ დუმბაძე, ნოდარ წულუისკირი, გურამ დოჩანაშვილი, ვახტანგ ჯავახაშვილი, ოთარ ნოდია, ბონდო არველაძე, იზა ორჯონიკიძე, ზაურ და გენო კალანდიები, ლერი ალიმონაკი, გურამ ბარნოვი, დავით წერეთლიანი, ჯემალ ქარჩხაძე, ვანო ჩხიკვაძე, ლიტერატურათმცოდნე ციალა ჩხეიძე, თემურ ჩხეიძის ოჯახი, მაკა ჯოხაძე, გივი შაჰნაზარი, ცნობილი მსახიობი მედეა ბიბილეიშვილი, შარლოტა კვანტალიანი, რეზო კვერენჩილაძე...

დიმიტრი ყიფიანის სახლ-მუზეუმის მესვეურები – პოეტები კლარა და გივი გელაშვილები თავდაუზოგავად ცდილობენ გარკვეული მნიშვნელობა მაინც შეუნარჩუნონ ამ, მართლა, დიდებული კაცის სახლსა და სახელს! არადა, ეს დასასვენებელი სახლი ისტორიულია თუნდაც იმით, რომ სწორედ აქედან წაიყვანა ე. წ. კგბ-მ მიხეილ ჯავახიშვილი სასიკვდილო განაჩენის სისრულეში მოსაყვანად!

ეს სახლი, ეზო-მიდამო, რომელიც შემოქმედებითი ჰაერით იყო დამუხტული, დღეს საქართველოდან მოკვეთილი კუთხეებით გამოიყურება, რადგან, გალაკტიონისა არ იყოს, „სხვა ხალხის ისმის აქ ყრამული!“ თუმცა, მწერლების ხმა ჩაჩუმებულია! აქვე გავიხსენებ კვლავ გალაკტიონ ტაბიძის ძალზე მნიშვნელოვან, იქედნურ, მაგრამ მარად თანამედროვე სტრიქონებს: „რა არის მასზე მაგნიტური, როცა ტეგია, მშვენიერების შემფასებელი და... ესთეგია!“ (როგორ ჰგავს „ესთეგია“ ჯაყოს დახასიათებას, არა?) მაგრამ ჯაყო რომ მხოლოდ ოსური ბუნების მოვლენა იყოს, რამდენიმე ქულა მაინც დააკლდებოდა მიხეილ ჯავახიშვილის ამ შედევრს! **სამწუხაროდ, დღესაც მრავალი ჯაყო გყავს და, მათ შორის, ქართველი ჯაყოების რიცხვი, ერთობ ღიძია!**

„...ჯაყოს მზაკვრობამ ამოავსო სული ნაფაზით, ჯაყოს ბნელ ზრახვებს სულ სხვა ჯურის სახეც მალავდა... რას დაგვაკლებდა ოსი, რუსი, ანდა აფხაზი, ქართველ ჯაყოებს ქართველისთვის რომ არ ელაღათა!“ (მ. ხ.)

დღევანდელი ე.წ. მწერალთა კავშირი, კარგა ხანია, გულგრილად და შორიდან „ისრუტავს“ ნამდვილ მწერალთა ქვიშხეთურ ჟანგბადს! რამდენი იბრძოლეს რევაზ კვერენჩილაძემ, შარლოტა კვანტალიანმა, (ნანილობრივ, მეც) მაგრამ უშედეგოდ! მწერალთა კავშირის

მესვეურებს საკუთარი აგარაკები აქვთ მთასა თუ ზღვისპირეთში! (ვითომ „მოკრძალებული“ ხელფასით შეძენილი?) ამდენად, მათთვის „საქვიშხეთო ბრძოლა“ ზედმეტი ტვირთია და, სავარაუდოდ, არც ვაჟა ფშაველას სტრიქონები ახსოვთ:

„ვისაც რომ სამშობლო უყვარს, მისთვის სიცოცხლე-ომია!“

ღიახ, ომია საჭირო ყოველდღიურ მომხვეჭელობასთან, გრაფომანების მწერლებად მომნათველებთან, თაღლითური გეგმით საბუთების გამყალბებლებთან, რომლებიც ისე „ოსტატურად“ ახერხებენ ამას, რომ აქ მხოლოდ უფრო ნიჭიერი თაღლითი თუ აღმოაჩენს სიყალბეს!

დ. ყიფიანის სახლის ქვედა ტერიტორიის ნაწილში განთავსებულია ფემინებლური კურორტ-სასტუმრო, რომელსაც, არც მეტი და არც ნაკლები, უპრეტენზიულესი სახელწოდება აქვს: „მწერლები!“ მსხმოიარე ხილით დახუძილულ მწერალთა დასასვენებელი სახლის ეს ნაწილიც რომ მწერლებს ეკუთვნოდა, სასტუმროს მფლობელებს არ დავინწყებიათ! მაგრამ იქ რომ ოდესღაც შედევრები იქმნებოდა, დავინწყებულა, რადგან დღევანდელი მართლა მწერალი თავისი გაძვალტყავებული შემოსავლიდან ამ დიდებულ სასტუმროში მხოლოდ 2-3 წუთით შეძლებს დასვენებას, რადგან ერთი დღე-ღამის საფასური აქ... მწერლისთვის არც მთლად სახარბიელო თანხიდან იწყება!

30 ივლისს კი დიდი პატივი მერგო, რადგან ჩემი შემოქმედებით დაინტერესებულ ხაშურის საზოგადოებას შესაძლებლობა მიეცა, ორი საათის და არა ორი წუთის მანძილზე დამტკბარიყო სასტუმროს ხედიდან და პოეზიის ხედვითაც, ეკა ბაქრაძის დიდი მცდელობით. ეკა ბაქრაძე ფესტივალებზე გამარჯვებული საბავშვო თეატრის „აკვარიუმის“ დამაარსებელი და რეჟისორი, ამასთან, გაზეთ „ლიტერატურული ხაშურის“ რედაქტორი და არაერთი საინტერესო ლიტერატურული პროექტის ორგანიზატორი გახლავთ ხაშურში. მშვენიერი ლექსების პარალელურად ბრწყინვალედ თარგმნის არა მხოლოდ ანა ანმატოვას. თუმცა, დღეს მართლა მოღვაწე ადამიანებს საქართველო თითქმის არ იცნობს, რადგან ე. წ. წამყვან ტელევიზიებს, ხშირ შემთხვევებში, ტაკიმასხრობა და ზედაპირული შემოქმედება ხიბლავთ... თუნდაც ასეთი სტრიქონების გენიალურობად აღიარება: „მე შენში მიყვარს ღმერთი, შენ რა იპოვე ჩემში!“ სად არის აქ, მართლაც და, გენიალური, ან თუნდაც დახვეწილი რითმა? (ავტორს შეგნებულად არ ვასახელებ).

თუმცა, არ შემიძლია მადლობა არ გადავუხადო ახლადდაფუძნებული „ქართული არხის“ შემოქმედებით ჯგუფს, განსაკუთრებით, არხის სამხატვრო ხელმძღვანელს, კომპოზიტორსა და შემსრულებელს ქ-ნ მანანა იმედაძეს, რომელიც „მწერლებში“ გამართულ ჩემს შემოქმედებით საღამოზე თბილისიდან საგანგებოდ ჩამოვიდა.

პოეტმა და ქველმოქმედების უნარით დაჯილდოებულმა ქალბატონმა ხათუნა გელაშვილმა, რომელთანაც, ერთდროულად, საქმიანი და შემოქმედებითი ურთიერთობა მაკავშირებს, მისთვის ჩვეულ ამპლუას არ უღალატა და საღამოს დაფინანსებაში გარკვეული წვლილი შეიტანა. ხათუნა ხაშურის მკვიდრია და წელს დეპუტატობაზე იყრის კენჭს, ასევე, წვლილი შეიტანა ამ საღამოს დაფინანსებაში ან განსვენებული ცხრამუხელი მოღვაწე კაცის პავლე ლაცაბიძის ოჯახმა და თავად ხაშურის ინტელიგენციამ. უღრმესი მადლობა მათ.

პირველად შედგა მწერლის საღამო „მწერლებად“ წოდებულ სასტუმროში. ვინძლო, ეს ფაქტი ტრადიციად დამკვიდრდეს და, გარკვეული შეღავათების გათვალისწინებით, მომავალშიც შესაძლებელი გახდეს ქართველ მწერლებთან და საზოგადო მოღვაწეებთან ხაშურელი ინტელიგენციის შეხვედრები.

ხაშურს გემოვნებიანი მკითხველ-მსმენელი რომ ჰყავს, არახალია, რაც იგრძნობოდა დამსწრე საზოგადოების მხრიდან. კიდევ ერთხელ პატივისცემით მოვიხსენიებ ამერ-იმერის გზაჯვარედინთან არსებულ დიდებული ხაშურის დიდებულ ინტელიგენციას! სახსოვრად კი მინდა შემოგთავაზოთ ლექსად წოდებული გულის ტკივილი ჩემი პანანინა ნიგნიდან, რომელსაც „სავიზიტო ბარათი“ დავარქვი:

„გაქრა ის, რაც იყო, ქრება ის, რაც არის, სულს უჭირს ეჭვების ზიდვა... მკითხველი არ არის, არ არის, არ არის! მწერალი? – რამდენიც გინდა!“

მზია ხეთაგური – მწერალი, საზოგადო მოღვაწე.